

Attentens me Mutirin Kaieon Aneia: Fonei Nouch Ar Repwe Pochokun non Aneia me Mak

Nupwen chon sukoon ra kan sou feino ngeni sukoon, anapono atun ar repwe kaieo aneia, mak, me weweiti masowen fonufan. Mutirin kaieon aneia a fokun aninisoch ngeni chon kaieo non unusen sapchek. Ekei pekin sine ra riri ngeni tufich non unusen ar sukoon me manawer. Nupwen ar etiwano fite chok ranin sukoon non ew maram a tongeni fori met epwe weires ngeni noumw chon sukoon an epwe tikeri sefani met an kaieo, naponon ika ir mi chuen kaieo aneia.

Pwata Attentens Iteiten Ran a Ouchea faniten Aneia me Mak

- Ar chon sukoon nomw non sukoon ra mefi pwe ikewe neenier. Nupwen chon kaieo ra mefi tumwunoch, ketiwifich, me ar apachapach, a ina naponon ar pwapwaiti ar repwe kaieo me mochen feito ngeni sukoon.
- Angangen iteiten ran a aninisoch ne forata pochokunen sineier non aneia. Chon sukoon ra kaieo aneia non ar ousening, kapas, mak, me sotuni iteiten ran.
- Chon sukoon ir mi etiwano ar sukoon ra missini fansoun ar kaieo. Ekewe sense ir mi okoota masowen ar asukoon mi pirapa ika asasar. A weires ngeni emon chon sukoon epwe weweiti ika ir mi missini ekoch masowen kaieo pwe resapw nomw.

Kaieon Aneia Nge Och Achchon Mwich

Inn me sam, innenap me semenap, chon tumwun, eterenges me chon tumwunur ir nour aewin sense me chon tutunap ngenir chon sukoon; mi watte angeier won an emon serafo kaieon aneia. Famini, sukoon, me chon non neeniach a pwan wor wisach non ach pesei ngeni serafo ar kaieo epwe naponon sineier non aneia me mak. Ikei ekoch okoot ika anapanap murino omw kopwe nounou ne anisir non ar aneia neimw. Kose mochen kopwe pwan kuta ekoch anapanap non [Aneia me Fosun non Neimw me non Neeniach](#).

- Fos ngeni noumw ewe chon sukoon ren met ra kan kaieo, eisindir ekei tapin kapas eis:
 - Met ochun masowen omw ran ikenai? Met ke aneiani ikenai?
 - Mi wor och metoch mi weires ngonuk ikenai? Ifa usun omw atawei?
- Aneia fengen me neimw, ese nifinifin meni fosun fonu, ika mwo chok fite minit non ew ran.
 - Eisindir kapas eis ren masowen met ami mi aneiani fengen.
- Apochokuna ngeni an epwe keen, ngor, rhyme, tutunap, aneiani me pwan ekoch. Ekei apwapwan mwokutukut a anisir serafo non ar kaieo ar repwe kaieo ekoch ouchean pekin sinenap awewe ren kaieon minafon kapas, rongorong newen fos, me weweiti tutunap
- Eisini noun ewe sense ifa usun omw kopwe aninis me neimw ren an kaieo me attentens. Ami angang fengen a tongeni awora ngonuk ekoch pisekin aninisoch me minafon ekiek murino. Ewe sense a tongeni erenuk met noumw ewe a kan angoch me non me met ra nit aninis me non. Nupwen famini me sukoon ra nounou fengen ekei porous, a mecheresi ar repwe anisir chon kaeio aneia ar repwe tufich non unusen ewe ier.
- Apachapach ngeni ekewe mwich non neeniach awewe ren ekewe imwen puk ika library, prokramen tumwunur semirit, me neenien aneia.

Semirit ra poputa ar kaieon aneia nupwen ar nomw neimw me non neeniach, ikewe awor fos, eoreni, me porousach aramas a anukunuku seni famini me chon tumwun ir aewin ouchean sense me chon tutunap. [AN OREGON EWE ANAPANAPEN KAIEON ANEIA](#), p 5.

Emon me emon chon sukoon mi tongeni repwe pochokun non aneia me mak me mi ouchea kopwe atononger me anisir non ar kaieo. An noumw ewe chon sukoon eoreni, porousen an mamarita, met mi fis ngeni, me tipachemen a men ouchea me non ewe classroom me sukoon. Famini me chon tumwun a men ouchea wiser non aninisir ar chon sukoon kaieo. Aneia me attentens ikei wisach fengen, sia mochen sipwe angang fengen faniten nonomwochun noumw ewe chon sukoon nesor me ponon.